



國家清史編纂委員會·文獻叢刊

清代詩文集彙編

國家清史編纂委員會·文獻叢刊

# 清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六七〇

伏敵堂詩錄十五卷首一卷伏敵堂詩續錄四卷 江 湜 撰

一

通義堂文集十六卷 劉毓崧 撰

一九三

水雲樓詞二卷水雲樓詞續一卷水雲樓詩賸藁一卷 蔣春霖 撰


五六七

務時敏齋存稿十卷 洪昌燕 撰

五九七

伏敵堂詩錄

同治紀元三月會稽趙之謙題



伏敵堂詩錄總目

第一卷古今體詩六十一首

第二卷古今體詩五十一首

第三卷古今體詩四十九首

第四卷古今體詩八十六首

第五卷古今體詩一百三首

第六卷古今體詩七十首

第七卷古今體詩七十首

第八卷古今體詩六十六首

伏敵堂詩錄卷首

第九卷古今體詩六十二首

第十卷古今體詩九十九首

第十一卷古今體詩五十四首

第十二卷古今體詩五十五首

第十三卷古今體詩七十六首

第十四卷古今體詩一百三首

第十五卷古今體詩八十五首

續錄總目

第一卷古今體詩九十五首


第二卷古今體詩一百三十三首

第三卷古今體詩九十五首

第四卷古今體詩三十一首

伏啟堂詩錄

卷首



敘

學問之道爲之於舉世不爲之日者必其人之志不凡而其成可以傳後者也昌黎之於文淵明之於詩是也降及近代震川之文空同之詩亦猶是也舉世之所不爲而一人獨毅然爲之其識已超乎流俗故其成也可傳於後以余久處京華得交四方英俊所見詩集以至零篇多矣其未脫時趨者則或工溫李或耽元白間有一二傑出之才沉着者追少陵豪放者師太白唯昌黎山谷二家無人躡迹卽有一卷之中一二篇相似一篇之中一二語相似者未有積句成篇積篇成卷無不從兩家出者由兩家詩境高峻攀陟爲難也今讀弢叔詩則古體皆法昌黎近體皆法山谷無一切諧俗之語錯雜其間憂憂乎其超出流俗矣雖然由斯道也可傳於後而不適於時猶古錦之不可爲衣裳古樂之不可娛賓客而詩之品則益高矣夫既爲之於舉世不爲之日又豈望其適時耶弢叔甫屆立年精識同於耆宿方有志於身心之學經籍之功未嘗汲汲欲以其詩問世余謂是希世之璞也故不待其請而爲之序

伏啟堂詩錄

卷首

道光二十七年歲次丁未春正月愚表彭蘊章書於福州使院

伏敵堂詩錄

卷首

二

自序

憶束髮受書之日先君舉藏書見付輟舉業讀之十餘年間於學無不窺然迄無成獨詞章稍有心悟而於詩學之尤力道光癸卯年二十六始遊京師時則己徧參古人之製得其各自成者而益有悟焉明年甲辰從殷述齋學使於山左作泛舟大明湖以下諸詩竊自喜秘諸行篋雖同舍不與觀後三年丁未從表丈彭詠莪先生於閩中先生喜言詩始呈前作先生讀之驚曰汝筆力已到昌黎山谷後必大成吾爲作序俟汝集行世以

伏敵堂詩錄

卷首

三

吾文附焉幸矣余見先生語重急避席謝不敏先生曰吾爲汝嫻長豈欺汝者且吾文雖不工亦豈妄爲人作序汝第勉之余自是思欲勉副先生之期作之益勤凡從先生遊閩中三年詩益富及咸豐壬子在鄉薄遊華亭屢過青浦熊蘇林一日留詩四册而去翌日蘇林以書復曰詩自蘇黃以後難乎爲作者君筆力挽回七百年矣後過蘇林又見謂曰吾平生讀書一過成誦兩過不忘愛君詩欲不忘故讀兩過試之果背誦如翻水盡四册不差一字後里有傳蘇林近詩皆效拙體是歲

有同郡盛艮山以詩來見艮山幼負聖童之名讀其詩亦驚絕欲更進之爲掖利病艮山亦立悟急請余詩歸讀十日自焚所作二百首而來告曰詩在君矣吾前爲古人所蔽幾自誤今悟矣悟矣自是艮山學詩益苦明年復見告曰吾學君詩終爲君掩舍君則仍爲古人役求所謂自得者無有也吾且治他業以此事讓君矣艮山天挺異材蘇林學博才富二君於文學空一世而見推如此余益稍稍自信云又後七年庚申余方以卑官需次浙江值二月杭城之變不得死亂定後叢稿都盡伏啟堂詩錄卷首

四

累則爲螺洲陳氏授經以束修所得若干金反助雪樵越數月而十五卷之刻以成時同治元年壬戌三月也嗚呼余窮於世晚而以詩人自見乃遭逢離亂嬰千古詩人未有之慘將終身爲禮崩樂壞之人以何肺腑更吟風月卽前此區區千首之詩與他文并付劫灰亦復奚惜而一二窮交獨珍護於兵火之餘至不憚節衣縮食爲登梨棗若萬萬不忍聽其灰滅無傳者益滋愧矣余詩誠傳世後當自有定論不敢挾數君子之推許以自矜重惟念經變以來平生親舊至交存亡乖隔多可感者卽如彭先生以大臣蒿目時艱未暇乞退而余轉徙天南相見不可期蘇林艮山皆於亂前下世蘇林官戶部以葬親歸里方再出而以病死年不滿四十艮山少余十有三歲以明曆證絕學方望其爲鉅儒也不幸短命年二十七以諸生終仲水雖少年於浙江以吏材稱首東陽受代後值杭城再陷不知所之獨雪樵羈迹閩中以直道與俗齟齬卒望吏議日益窮老方與余爲悲天憫人伊鬱侘傺之詞以相贈答余年來身世既如此因詩而感念親交數人死者不生生者日以零落仰

五

獨詩集有相知收得見還爲同宦友人徐仲水所見仲水曰君詩自難磨滅然世變時宜速刊布吾爲君成之時仲水窘甚余笑而漫應也明年春余在永嘉仲水忽遣使來受詩稿書言署東陽縣事之官日於杭城募劄劂工俱來將踐前諾余留使十日而聞金華驟陷卽東陽危在旬日事乃止是秋永嘉有土寇之變余攜詩重來福州老友符雪樵丈相見驚喜慰勞外卽問詩稿存否爲述前事雪樵笑曰吾無懸印不憂賊至獨不可爲徐君竟其志乎然雪樵視仲水尤窘余諾之而難於相

觀宇宙不自知其淚之墮也并書爲吾詩自序云彭先生前爲輔臣名氏里居不待著蘇林諱其光江蘇青浦人良山諱樹基余同郡元和人仲水名之鑑貴州開泰人雪樵名兆綸江西宜黃人彭先生序已遺失茲於歸樸龕稿中錄出急登爲首簡焉

同治元年壬戌三月長洲江湜書於福州

伏敵堂詩錄

卷首

六

板存福省南後街宮巷口吳玉田刻字鋪

題詞

南通州徐宗幹

瓦缶滿市忽睹鼎鼐淫哇盈耳倏聆宮徵大雅正始古人復起時俗靡靡方茲福矣

宜黃符兆綸

百家人大鑪鑄成一箇我以我御古人縱橫無不可如逢作畫人解衣盤礴裸照空曙雲霞微光愧燭火

草堂闕雲扇響發古鐘磬獨來長松下彈琴山月正秋苔裂石縫微泉轉山徑山空有猿鶴冷語輒相應

伏敵堂詩錄

卷首

七

長洲蔣如洛

一往天機自在流詩情渾似白江州傷時短盡英雄氣作客同懷去住愁刊落浮華空五色直抒真性契千秋心聲寫出從人看要向無人愛處求

海鹽陳其泰

下筆百篇驟讀書萬卷空才豪謫仙客律細浣花翁壯譽馳燕北新吟滿浙東爨中方發響誰賞半焦桐口吸青天月心涵太古春我從詩卷裏突兀見斯人四海無容膝西湖好倚身冲霄看劍氣如子豈長貧



都陽陳宇

君詩具根柢一掃門戶累落筆辭追新抗古樹一幟讀  
 書萬卷破及詩為餘事百年七尺軀馬肯坐此做用世  
 試官能軍興弛吏治雖不着儒冠終難可人意所以原  
 揚雄得無惜賈誼三復增長吁與予同侪係憶昔託江  
 乘倉皇陷烽燧高城既瓦解吾家等玉碎至今一寸心  
 猶係九原淚隱痛何可言因君集憂愧庚申賊陷姑蘇  
 費叔志哀詩九  
 首讀之增痛旅跡常漂搖悲鳴復誰寄掩卷聽城烏徬徨不  
 能睡

伏敵堂詩錄

卷首

八

桐城吳鴻謨

蘇黃不作遣山死瓦缶雷鳴黃鐘毀古意久已墮渺茫  
 繩聲營亂悞心耳有如虞招在漢代大樂空存曰文始  
 丙疆宣武奏名倡五侯貴戚競滌靡邯鄲鼓員繩絃工  
 貞氣已亡骨亦散忽見飛來孤鳳凰凡鳥噤口不敢視  
 我思神物為上瑞豈有文鸞困棘枳開元大鳥為少留  
 今日之鳳母乃是不獨文章世共驚比十二筩協宮徵  
 斯人早生七百年元祐諸賢應耦比丞相彭公有真賞  
 羣空冀北識駸駸坐使吏隱醉西湖憔悴風塵百僚底

忍飢苦吟愁腎肝武林蕩髮蓮天起高門大屋燒成灰  
 亂後一編得之市虹光未許蒿萊埋呵護知有鬼神使  
 天其以是掃滌哇賊火不敢圭瓊燧平生傾倒已十秋  
 鳩鴛無從逐鵬徙况經喪亂賊中來舊學已荒口空哆  
 昨見佳句流人間閩中一日傳百紙燕脂夜坐雜誦之  
 清風習習泉流齒每疑此非人力為文本天成絕依倚  
 虎搏胡鬚不足論色正芒寒日躔軌語皆獨出無古初  
 驅使雄鷲加鞭箠或如鏖戰戈鋒銛痕臂將軍飛一矢  
 或如神劍聲摩空手斬老蛟血凝紫或如萬壑千巖間

伏敵堂詩錄

卷首

九

煙雲變幻峽傾水造意入微鬼夜哭照澈空潭見遊鯉  
 陰翳解駭吐明月瀉入我心濯泥滓正如觀樂在東魯  
 吾於君詩歎觀止破門驚見夜光投倒屣謹迎走折趾  
 豈徒背癢仙爪爬立起膏肓愈瘡痂方今 詔書求賢  
 才擢拔箇籛收杞梓東南塵霰箭滿眼走章馳檄須奇  
 士會除狂寇萬里行君詩有歸乎有志除狂寇擊筑高  
 歌望吾子

臨川李聯琇

此詩已佚今從好  
雲樓初集錄出

我與殘叔友蒙疾發深痼我讀殘叔詩鈍根密通悟開

卷暮韓終運杜中間博涉蘇黃趣觀其自言所作位置

處伊鬱東野懷清奇后山句集中有族樓伊鬱孟東野句律清奇陳后山二語自

道其要亦援古士不遇豈為前賢郭郭佳翩然被髮赤

手縛麒麟自我操縱六翮均脂化琥珀忘松身肺肝槎

牙心輪困造語非復人間聞實皆探喉各欲云尋常自

奇怪自真散為怡渙波瀾淪致極盡變窮滄津吁嗟榛

塗塞千春木石磨颯疑詔鈞相憐夔蛇猶等倫秤星爭

較鋪銖分廊而清之利鋤耘洗出真面江詩人江詩人

恣幽討朝欲暮喏不可道我欲置之蓬萊島變爾商聲

伏敵堂詩錄 卷首 十


賡麗藻惜哉不解時俗俳優詞干將補履不如錐且復

翦翎觀羣飛鞭管鸞鳳常遊嬉頡頏兩鳥非君誰

元和顧大昌

行兩萬里歧路積四十年灰心不信依然毀未試聽千

首苦吟



伏敵堂詩錄卷一

戊戌

長洲江 混叟叔甫

詠懷二首

清風動帷幙月白夜凝曙愁思從何來投入靜中慮候

蟲何感激驚秋泣涼露小人乘化遷君子安貞固孰是

業修名而乃信運數虛室盡無情所思為誰訴

夜半更惆悵擊柱長歎息失卻千里夢一燈耿虛壁飛

霜下嚴更庭戶氣凝白已秋不復夏坐中歲時積曉起

星斗曙暮歸牛羊夕蜚蝸一世間笈鳥翦雙翼十二通

伏敵堂詩錄 卷一

詩書十三弄筆墨飢寒固自取悲與世無益

己亥

哭從兄練飛 水 六首

吾宗久哀替支少不成族從祖多宦遊遠附燕秦俗曹

鄒最爾邦仍看百里感逮昔大父時蒸嘗僅孤續哀薄

更顛連秋林無榮木孫輩雖數人幼者卅兩角甚或恣

且頑慧止等菽粟而我亦驚緩短才困于祿愧彼日中

葵有蔭尙衛足粟承嗣大宗父書不能讀仰維吾兄賢

持為宗祊福

吾兄夙岐嶷壯志薄層霄少長涵而操詩禮為薰陶挫鍊既沉靜氣質凝不驕終是鏖鄧弔華光不夾豪挺身貧賤中可折不可撓矯志洵不羣齷齪豈所曹顧我獨許可謂當聯軫

兄昔愛我文陋癖嗜歌菱延譽挂齒頰俗嘲有不避偶見詩一章輒許華國器我才諒非稱益以重兄意古稱知己難得此洵不易轉恐辜厚望用是自刻勵相期敦樸學經術飾吏治詞賦止榮身未足療時弊即今偶蹉跌造物亦深至健行取諸乾迺賤敢自棄

伏敵堂詩錄

卷十

三

績學未及成家運如陽九皇天奪我賢鬼伯捉其肘昔年痛失恃母子情莫剖擗踊拊棺和淚盡成枯朽去夏四月間咯血歐數斗纏綿一寒暑虛跼為束手將病推厥根豈緣至性厚滅性乃不孝君子指為垢母死父在堂奈不恤厥後兄賢想未然我意亦云否要知家運剝天意劇芻狗為善例受禮此既丁其偶聚散十年中死生一朝決彌留欠一面撫棺重鳴咽總帳颯淒風秋蟾弔清絕幻想病時容魂靈倘凝結目眩不成寐斷夢如刀截空聽傲麗書盡為飢鼠嚙支牀折

腳鐺猶是為君設耳目滿餘痛五情慮將竭所為吾兄悲身名兩銷滅

死者長已矣雪涕將何為達人比懸解生寄死則歸但恐吾兄心忡惕多所違哀親善沉疴願養將貽誰祖先瞰俎鼎親串瞻門楣寂寞身後事厥咎何能追負兄知我深未能早相規空成萬恨濃不解窮泉悲從今虬家政一一可嗟唏憤激理舊業顧影良自疑有如蛩失屨首尾靡所依車無偏轂轉鳥不隻翼飛百年恨已結眺咽若綆靡

伏敵堂詩錄

卷一

三

論古五首

李斯執贏柄毒螫汗天地彌合祖龍心蘭陵豈預巷緣何東坡翁指摘以文致不見河南守治行入高第學於李斯門反變為循吏人性有萬殊美惡譬諸器吳起不葬母冉有附權季鍛鍊以為能曾孔皆滋議六國紛戰爭術士擁權利鑽秦與秦燕談舌掉不做倒行免顛蹶相印取如寄誰能嫉俗世論兵本仁義論世始知人詎容徇偏意孟醇苟小疵昌黎有位置淵明親在時曾作州祭酒欲為弦歌資亦縮彭澤綬適

逢晉祚移脫然歸田畝折腰向小兒此言乃藉口孰云  
忠孝殊一人不兼咎鄙哉李令伯陳情一何醜僞朝斥  
蜀漢急急用自剖無論多諱詞其心豈忠厚倘遇王陵  
母義不忍此垢

操刀貴能割躊躇自貽悔何況君側姦臨事尙豫怠陳  
蕃與竇武志勇才實猥空懷忠義心碎首竟何罪遷延  
拜章奏得毋氣自餒經世須實用未嘗詐與給奇兵不  
列陣沉機要尙殆不密終害成將身充菹醢所以諸葛  
公不取孔北海

伏敵堂詩錄 卷一

四

在昔六藝缺散滅爲秦灰紛紜楚漢爭儒雅棄塵埃短  
衣叔孫生希世何能爲參也聘蓋公陋識吁可哀浸淫  
文景後黃老無人排偉哉漢武帝力闢蒿與萊六經各  
得職盛業何巍巍惜其任張騫鑿空爲禍胎遠通身毒  
國漸致佛氏來亂華侮聖經千古以爲災事成有歸獄  
首禍將爲誰始終一不慎功罪斯相乖  
子雲反離騷意謂三閭愚固知志節淺不能立廉隅要  
其美新作又非甘爲諛名山業未完散道求全軀其意  
固若日龍德潛泥塗所以不免歸實戀中秘書徇翔天

祿閣得非爲此歟詎知後儒嚴史筆窮其辜吾嘗讀元  
經輟卷三歎吁如其終附莽侯綬何難紆奚爲官不遷  
僅免膏磔鉄論罪當鞠情庶無寃且誣罪有百雄者輕  
重宜別殊願進紅休侯移贈莽大夫

歲暮感懷三首

年長心易怯薄植苦難恃誠恐加我年悠忽仍如此古  
人六十化進道焉知止喟我秉不才守拙實所矢少長  
逼飢寒揣摩希祿仕澹泊誠未能趨營亦自恥無成逮  
十年日月倏如駛出處兩相違慚愧馬牛齒

伏敵堂詩錄 卷一

五

哀門百無望惓惓在昆季自顧良無成此心乃彌至何  
期比年來家運劇凋敝阿兄抱奇才一瘦竟成瘵深爲  
門戶傷兼悼平生契嗷嗷征雁鳴觸耳皆成涕死者不  
可生成材看弱弟  
流俗敗人意閉門樂孤寂空宇縱寥寥詎肯受殘客嗟  
我平生歡窮居依草澤偃仰或無成持身實清白披衣  
偶相思緒卷開談席周旋失意中情隨歲時積長大互  
相看微尙真可惜

庚子

六言八首

遲日又温歧手寒宵聳買島肩枯魚誰煦流沫餓犬自  
喫饑涎

短才既如襪線笑臉強作鞞紋骨節自憐不媚戲嬉聊  
復成文

舊交日來咄咄窮鬼常視耽耽老我爲即便足送人作  
郡何堪

次山上羣叟號魯望作散人歌但解我聞如是不知人  
謂之何

伏敵堂詩錄

卷一

六

奇窮何如庸福才鬼終勝頑仙笑盡癡人說夢焉知慧  
業生天

龍友未堪援繫牛醫亦與周旋不訝客來何晚有時我  
醉欲眠

茅屋秋風杜甫露車滄海王尼泊宅近隣漁子浮家欲  
混鷓夷

風卷空庭簾幙雨生破瓮莓苔叩戶聽漣酒券探囊試  
典琴材

秋感二首

楓葉本非花質殊桃李杏風霜爲假合渲染綴春景隨  
榮亦隨落策策墮荒梗可憐幾葉紅猶弄夕陽影譬若  
老蓬掖忽啖紅綾餅晚景誠獨佳歲月亦垂盡何如松  
柏姿蒼翠自冬嶺

物生大化中伸屈天所與草木不怨凋黃落應節序陰  
蟲爾何感戚戚如私語天寒入苦吟物性有迎距徒使  
孤孽魂感激愁羈旅蟄藏理固然幽恨誰憐汝

九日城外同顧潔

日隱詐將雨屢頓客遊興相攜出闌闌天色見艷艷平  
壤多蔽虧山現一角曠夕陽弄蒼翠明滅半不定悠然

代敵堂詩錄

卷一

七

與目謀偶得無可贈野路有劇旁辨誤要指證頽垣覆  
脫葉野菊花初孕不記誰家園踏草白成徑嗟我二三  
子脫略頗相稱相挈行且談路盡言未罄誰歟逐佳遊  
吾遊亦差勝

辛丑

晚登馬鞍山

塔鈴不語風林寂鳥聲暢覓徑下山時卻見山僧上  
汪月生先生獻玆家捕得一物似狐而非遠近莫

識先生以爲戲邀作詩

君家南園近  
跳梁夜與鼠爭  
或見可食時  
主人博物茂  
一物不知儒者恥

離思二首

夢短夜苦長  
伏教堂詩錄

卷一

八

疎羈鶴鳴惻  
孤則形名理  
商意入肝腑  
中本無物但  
不可詰詎足

勞砭鍼故知  
秋士腸河海  
難言深

偶書二首

某氏一家督  
事有成規記  
衆臧獲舉動  
無專謀委任  
既太輕責效  
難獨優竊恐  
外

悔至無能爲  
仲亦思孤立  
奚患傾吾軀

權日分牽掣  
欺凌百弊不  
藥此語通治  
道

壬寅

伏敵堂詩錄

卷一

九

贈董夢蘭

未妨煙雨霍  
故將當眼失  
文章道梗不  
屠沽兒欲笑  
君貧

同楊元潔  
至西灣田家  
宿是夜仍乘  
月上長奇嶺  
得詩四

首

山光揖我舟  
相引意了了  
登途轉蒙密  
漸近愈深宵  
同

行失前侶蔽虧在叢篠人語辨何處前林迸驚鳥黃桑  
矮似人梅實青而小幽尋路忘紆所貪日猶早橫嶺巨  
我前人影忽然杳一徑入松風衣稜覺輕矯

嶺盡一亭闌客勞此休止所歷既漸高羣峰亦隨起左  
右惟深松接翠遠無已蒼蒼米堆山空煙蕩湖水夕陽  
與之光微白顯透紫吾生抱幽懷愜適在尺咫不知旦  
日來山態更何似卻羨此山僧日夕此隱几

山家意澹樸客至走相驚村犬吠衣冠亦覺非世情遶  
舍十稜田桑竹縱橫生人行綠陰中幽鳥時一鳴蒼然

伏菴堂詩錄

卷一

十

暮色來嵐光忽先冥山深得月遲夜景自虛明居人望  
昏至比舍門先扃隔林一燈出知有行人行

幽興不自罷明月况相招出門萬籟寂微聞風刁刁沿  
林竹枯影如水含菰葦履聲動棲禽決起衝煙霄人影  
出林木始見所歷高太湖忽當眼白與天相遭一氣豁  
如銀月光際其交湖中湧諸山蜿蜒如長橋奇觀得有  
此足洗胸中騷將歸下叢薄迴風吹鬢毛

古意二首

我心隨月光夜夜流照君情思積日月候雁鳴秋雲傷

彼紫蘭花歲蕤自揚芬會無微風發使我不相聞瓊枝  
倘未乖歲宴亦何云

山雞與海鶴氣類本不同有時被羈縶俱畜園池中朝  
朝會相見默默羈情通相識雖未慣頗復憐其窮念彼  
山中姿戢羽有深叢薄采不自掩甘爲人所籠情邇感  
易入長鳴憂寒空顧已亦何爲槍馬慚素衷

按讀毛生甫嶽生休復居詩題二詩見意

特走一路如此僻力掃肥皮厚肉流犖確崎嶇有佳處  
空羣正待拔其尤

伏菴堂詩錄

卷一

十一

一墮江湖便一世語言工矣命殊窮何如飽喫耕田飯  
但作農諳完古風

羅浮蝶不易得土人採其繭俟蠶化而玩之有自  
嶺南來者以數繭見貽爲作二詩

微蟲具五色秉氣己不祥有美悅人目焉得無汝傷坐  
見機心人不待汝翅張利其未蛻去摘拾易取將累累  
雜樹葉終朝盈頃筐擔頭易寸錢客子充行囊爲玩生  
殺機孩蟲乃遭戕

此蟲既化時栩栩然自適棲隱羅浮間遠致恐不得詎

知爾中歸已作千里客特來供一玩生命難藏匿文采  
有如此造化亦可惜微物何足矜我心自悲惻

潘功甫先生會沂見賞拙詩賦呈二首

窮謝侏儒粟一囊長年尺地困昂藏尋常不入時人眼  
正有高懷許爾狂

日出扈言見道遲多公賞味異於時譬如腐木生芝菌  
偶被樵人聖得知

和劉彥冲詠之七首

庭梧葉已墮木犀正揚芳天地無異秋隨質爲青黃物

伏敵堂詩錄

卷一

三

性有莫奪詎復憂炎涼緬古得數人常若未可忘人生  
要自重不與時低昂

欄庭多落葉淵明自夷冲賦詩不悲秋中有道氣濃吾  
生亦求道顧增戚戚容心傷日月逝有愧生於中既殊  
古曠懷恐襲騷人風

大鵬不飛時白足九萬里何嘗因候風而募鷄決起矧  
予質區翥本慚天下士浮沈鄉里間遇坎因應止一笑  
得塗忙彼哉夸毗子

巨澤軒然波八月風動天孤舟泊斷港亦復夜不眠正

如伏處人間左似安便世塵極頑洞終亦相及馬君看  
走俗狀詎必朝市然

自信苟未真聞譽色然喜既喜旋生憂更恐有毀訾此  
心本自逸苦爲好名使吾今略解脫仍欲規諸子過耳  
如飄風則庶乎可矣

文人困仕途憂患咎識字不識豈便佳愈將不快意當  
初既見榮厥後亦何避吾儕宜自廣雖困不書廢讀此  
蓋有由志本非規利

溷迹自少年日月凡幾過及茲感淒厲又如秋風何窮

伏敵堂詩錄

卷一

三

巷不進修簞飄愧茲多何必湊風塵而後爲蹉跎憂來  
斷高興慘戚無長歌

秋感七首

抱愁適修夜其彼秋蟲寒單衾尙孤醒燈謝膏力乾昔  
人感哀樂舒慘殊所干詎予情毗陰煎憂少自寬惟憂  
眞如環循之欲無端獨應下弦月深夕相尋看

詞人喜絮窮狹淺識者輕如予飽味來絕口反不情願  
念此身世如船僞難平中流不獲棹盲進無可程疇昔  
自許意豈不壯而行久軼氣爲奪肝腸方變更



豈無中林芳他媚非我悅若人獨異觀見許執高節恩  
情雖未遑相思俄已結如何周道遲冰雪凍行轍衾枕  
卽容儀川塗復阻絕含英傷過時我亦爲幽咽

葉委意欲息風更挾之走墮園與貼墨旣零焉辭醜哀  
哉淪誤人勢與歲惡偶去去無通塗入室愧升斗所恃  
魂夢中尙締古人友飄轉應自此若何庶无咎

欲思兼安飽如人豔仙籍多爲秦漢王力盡常不得卻  
見坐享者輒復弗知惜鄉里不稱善蚯蚓倏鑽額物理  
嘸予心擁被欲竟夕莎蜚爾何知乃助予歎息

伏敵堂詩錄

卷一

商

物我隨化流惟愁止如山誠恐明日鏡不朱秋後顏商  
巖忽奄至聲落庭樹間寒巢有醒羽獨鳴驚我孱歲寒  
詎無懷呱呱不得攀仰望匏瓜明我邴如爾頑  
閉門飢欲死數子獨見朋爲交遊光寵我實謝不能感  
君弗疵賤高義當敬承迅商婦寒宵來日佳不勝苦無  
一壺醪秋巒相挈登良慚古俊流一澀如寒蠅

伏敵堂詩錄卷二

癸卯

長洲江 湜澂叔甫

無錫道中

斜陽兼水色搖漾客舟晴坐覺半窓爽還堪十里行對  
山心慮愜出市語音清卽此一蕭散渾忘問去程

呂城

奔牛已過呂城見斜日烘窓晚一凭鷓鴣點樹黑可數  
辛夷過牆紅幾層出村犬吠客尋寺倒影人窺魚在罾  
厯厯水程成獨客浮家泊宅歎無能

伏敵堂詩錄

卷二

七

清江浦二首

旣雨重陰緩放晴柳絲如夢午煙輕江雲落處日光漏  
遠岸沙明看鷺行  
嫩綠蒲芽出水齊雨收人欲上春堤絕無幽興也行得  
愛此沙晴不作泥

行店二首

行店郵亭春水濱驟車滾滾動飛塵相逢略聽客言語  
十九黃河以北人  
萍轉薪勞今正始津亭戍鼓渺無涯此身輪與魚蠻子